

STJÓRNARTÍÐINDI C 1 – 1993

4. janúar 1993

1

Nr. 1

AUGLÝSING

**um bráðabirgðagildistöku fríverslunarsamninga
milli ríkja Fríverslunarsamtaka Evrópu og Tékklands og Slóvakíu.**

Í framhaldi af yfirlýsingum ríkisstjórna Tékklands og Slóvakíu 8. desember 1992 var ákveðið á fundi ráðherra ríkja Fríverslunarsamtaka Evrópu 10. desember 1992 að fríverslunarsamningur frá 20. mars 1992 milli ríkja Fríverslunarsamtaka Evrópu og Tékkneska og slóvakíska sambandslýðveldisins myndi gilda til bráðabirgða um Tékkland, annars vegar, og Slóvakíu, hins vegar, frá og með 1. janúar 1993, sbr. auglýsingu í C-deild Stjórnartíðinda nr. 22/1992 þar sem samningurinn er birtur.

Þetta er hér með gert almenningi kunnugt.

Utanríkisráðuneytið, Reykjavík, 4. janúar 1993.

Jón Baldvin Hannibalsson.

Þorsteinn Ingólfsson.

12. febrúar 1993

Nr. 2

AUGLÝSING

**um breytingu á stofnskrá Evrópuráðsins vegna
skiptingar Tékkóslóvakíu.**

Samkvæmt heimild í 41. gr. d. lið stofnskrár Evrópuráðsins frá 5. maí 1949 var gerð breyting á 26. gr. stofnskrárinnar varðandi fjölda fulltrúa á Ráðgjafarþingi Evrópuráðsins eftir aðild Tékkóslóvakía að ráðinu lauk, sbr. auglýsingu í A-deild Stjórnartíðinda nr. 74/1950. Breyting þessi tók gildi 5. febrúar 1993.

26. gr. stofnskrárinnar með áorðnum breytingum er birt sem fylgiskjal með auglýsingu þessari.

Þetta er hér með gert almenningi kunnugt.

Utanríkisráðuneytið, Reykjavík, 12. febrúar 1993.

Jón Baldvin Hannibalsson.

Þorsteinn Ingólfsson.

C 1

Steindórsprent Gutenberg hf.